

ORDENANZA MUNICIPAL REGULADORA DA LICENCIA POLA TENENCIA DE ANIMAIS POTENCIALMENTE PERIGOSOS E DO SEU REXISTRO

EXPOSICIÓN DE MOTIVOS.

A Lei 50/1999, de 23 de decembro, sobre o Réximen xurídico da tenencia de animais potencialmente perigosos dictada ó amparo do artigo 149.1.29 da Constitución Española, que atribúe ó Estado as competencias en materia de seguridade pública, asigna no artigo 3º ós concellos a competencia para conceder a licenza administrativa que habilite para a tenencia de animais potencialmente perigosos. Ademais, no seu artigo 6, establece que en cada concello existirá un rexistro de animais potencialmente perigosos.

A Comunidade Autónoma de Galicia desenvolve esta materia no Decreto 90/2002, de 28 de febreiro, en base ás súas propias competencias que se recoñecen no artigo 3.2 da devandita Lei 50/1999, ó amparo da cal apróbase tamén esta Ordenanza.

En consecuencia, e de conformidade coas disposicións citadas, e ó amparo da Lei 7/1985, de 2 de abril, Reguladora das bases de réxime local e da Lei 5/1997, de 22 de xullo, de Administración local de Galicia, a Corporación aprobou esta Ordenanza:

CAPÍTULO 1.- DISPOSICIÓN XERAIS

Artigo 1º.- Obxecto.

1.- É obxecto da presente Ordenanza, a regulación da concesión e renovación das licencias administrativas para a tenencia de calesquera animais clasificados como potencialmente perigosos, ós que se refire o Decreto 90/2002, de 28 de febreiro, polo que se regula a Tenencia de animais potencialmente perigosos na Comunidade Autónoma de Galicia, así como a regulación do rexistro municipal dos mesmos.

2.- Quedan excluídos da aplicación da presente Ordenanza os cans e animais pertencentes ás Forzas Armadas, Forzas e Corpos de Seguridade do Estado, Corpos da Policía das Comunidades Autónomas, Policía Local e empresas de seguridade con autorización oficial.

Artigo 2º.- Definición de Animal Potencialmente Perigoso.

1.- Se consideran animais potencialmente perigosos, tódolos que pertencendo á fauna salvase, sendo utilizados como animais domésticos, ou de compañía, con independencia da súa agresividade, pertencen a especies ou razas que teñan capacidade de causa-la morte ou lesións ás persoas ou a outros animais e danos a cousas.

2.- En particular terán a calificación de potencialmente perigosos, os animais domésticos ou de compañía que regulamentariamente se determinen pola Comunidade Autónoma de Galicia, en particular os pertencentes á especie canina definidos no artigo 2.2 do Decreto 90/2002, de 28 de febreiro, polo que se regula a Tenencia de animais potencialmente perigosos na Comunidade Autónoma de Galicia e se crean os Rexistros galegos de identificación de animais de compañía e potencialmente perigosos e de adestradores caninos.

3.- En todo caso, aqueles cans que manifesten unha marcada agresividade natural ou inducida mediante adestramento, malos tratos ou calquera outro medio. Esta agresividade será apreciada pola autoridade competente, de oficio, ou previa notificación ou denuncia, e despois dun informe dun adestrador ou veterinario designado ó efecto.

CAPÍTULO II.- DA LICENCIA MUNICIPAL

Artigo 3º.- Licencia Municipal.

1.- A tenencia no municipio de animais clasificados como potencialmente perigosos requirirá a obtención, con carácter previo á adquisición do animal, da correspondente licencia municipal.

2.- Están obrigados á obtención de licencia municipal para a tenencia de animais clasificados como potencialmente perigosos os propietarios ou tenedores dos mesmos incluídos no Padrón de Habitantes, así como os establecementos ou asociacións, con sede neste municipio, que alberguen animais potencialmente perigosos ós que se refire o Decreto 90/2002, de 28 de febreiro, da Comunidade Autónoma Galega e se dediquen a súa explotación, cría, comercialización ou adestramento, incluídos os centros de adestramento, criadeiros, centro de recollida, residencia, centros recreativos e establecementos de venda colocados neste municipio.

3.- Os propietarios de animais potencialmente perigosos non aveciñados neste municipio deberán acreditar, cando se encontren residindo temporalmente no mesmo e mentres permaneza o animal no termo municipal, a tenencia da licencia no municipio de orixe.

Artigo 4º.- Órgano competente para a concesión das licencias municipais.

1.- As licencias municipais para a tenencia de animais potencialmente perigosos, se concederán mediante resolución do órgano que teña atribuída a competencia en materia de licencias, previa acreditación da incorporación da documentación esixida na presente ordenanza.

Artigo 5º.- Requisitos e documentación para a obtención da licencia.

1.- Para a obtención da licencia administrativa con destino á tenencia de calesquera animais clasificados como potencialmente perigosos será necesario o cumprimento dos seguintes requisitos que se acreditarán do xeito que se indica:

- a) Ser maior de idade. Acreditarase mediante fotocopia compulsada do D.N.I. ou pasaporte.
- b) Non ter sido condenados por delitos de homicidio, lesións, torturas contra liberdade ou contra a integridade moral, a liberdade sexual e a saúde pública, de asociación con banda armada ou de narcotráfico, así como non estar privado por resolución xudicial do dereito á tenencia de animais potencialmente perigosos. Acreditarase mediante certificado de antecedentes penais.
- c) Non ter sido sancionado por infraccións graves ou moi graves con algunha das sancións accesorias das prevista no apartado 3 do artigo 13 da Lei 50/1999, de 23 de decembro, sobre o réxime xurídico da tenencia de animais

potencialmente perigosos. Non obstante, non será impedimento para a obtención ou, no seu caso, renovación da licenza, ter sido sancionado coa suspensión temporal da mesma, sempre que, no momento da solicitude, a sanción de suspensión anteriormente imposta fora cumprida integramente. Acreditarase mediante certificado negativo expedido pola Consellería de Medio Ambiente.

- d) Dispoñer de certificado de aptitude psicolóxica e de capacidade física para a tenencia de animais potencialmente perigosos expedido polo director dun centro médico-psicotécnico debidamente autorizado, conforme se recolle nos artigos 4º, 5º e 6º do Real Decreto 287/2002, do 22 de marzo.
- e) Acreditar a formalización dun seguro de responsabilidade civil por danos a terceiros que poidan causar os seus animais na contía mínima de 125.000 euros. Este seguro deberá renovarse anualmente e acreditarase mediante a presentación de fotocopia compulsada da póliza do seguro claramente detallada ou certificado da compañía aseguradora.

2.- Os requisitos esixidos deberán manterse vixentes durante todo o período da tenencia do animal; a perda dos mesmos dará lugar á revisión da Licencia nos termos recollidos no artigo 8º desta Ordenanza.

3.- No caso de que a licenza sexa para animais salvaxes en catividade, esixirase ademais do previsto no apartado 1 deste artigo, unha memoria descritiva das instalacións e medidas de seguridade utilizadas para impedir a fuxida dos animais conforme ó artigo 3.4 do Decreto 90/2002.

Artigo 6º.- Vixencia e renovación das licencias.

1.- As licencias terán unha vixencia de cinco anos. Transcorrido este período deberán ser obxecto de renovación por período de igual duración mediante a presentación da mesma documentación esixida para á súa obtención e sinalada no artigo anterior.

2.- A licenza perderá a súa vixencia no momento no que o seu titular deixe de cumprir calquera dos requisitos establecidos no artigo anterior e dará lugar á revisión da mesma polo Concello.

Artigo 7º.- Acreditación.

A tenencia da licenza municipal de animais potencialmente perigosos acreditarase mediante a entrega dunha certificación da resolución do expediente administrativo e mediante a entrega dunha tarxeta acreditativa expedida polo Concello onde se farán constar os seguintes datos:

- a) Nº de Licencia Municipal
- b) Data de expedición da licenza
- c) Data de caducidade da vixencia da licenza
- d) Nome e apelidos e D.N.I do titular
- e) Enderezo do titular
- f) Fotografía actualizada do titular
- g) Selo do Concello

Artigo 8º.- Revisión e revogación da licenza.

1.- Calquera variación dos datos que figuran na licencia deberá ser comunicada polo seu titular, no prazo de quince días, contados desde a data en que se produza, ó órgano competente do concello ó que corresponda a súa expedición para que proceda a realizar a súa revisión.

2.- A perda de calquera dos requisitos esixidos no artigo 5º desta Ordenanza, dará lugar á revisión da licencia municipal concedida e, no seu caso, a súa revogación previa tramitación de expediente contradictorio.

3.- A revogación da licencia dará lugar á perda do dereito á tenencia do animal e á obriga do interesado de proceder, no prazo máximo de quince días a contar desde a recepción do requirimento, a súa entrega e depósito no establecemento axeitado ó efecto agás que o animal sexa obxecto de entrega a outro propietario ou sacrificio nos termos establecidos nos artigos 58, 59 e 60 do Decreto 153/1998 da Comunidade Autónoma de Galicia.

4.- En caso de incumprimento da obriga de depósito procederase a súa execución subsidiaria polo Concello ou a Comunidade Autónoma a través dos seus servicios ou mediante empresa contratada, sendo os gastos que tal actuación conleva a cargo e conta do antigo titular da licencia.

5.- A falta de licencia municipal para a tenencia de animais potencialmente perigosos dará lugar a un único requirimento municipal para a súa obtención no prazo de dez días e á retirada e depósito dos animais, nos termos establecidos neste artigo.

CAPÍTULO III.- DO REXISTRO MUNICIPAL

Artigo 9º.- Rexistro Municipal de Animais Potencialmente Perigosos.

1.- Créase o Rexistro Municipal de Animais Potencialmente Perigosos no que se inscribirán os animais potencialmente perigosos que teñan a súa residencia habitual no Concello.

2.- O Rexistro terá un tratamento informatizado e nel se farán constar, de acordo co artigo 4.2 do Decreto 90/2002, de 28 de febreiro, da Comunidade Autónoma de Galicia, os seguintes datos:

A.- Datos do animal:

- a) Número do microchip
- b) Nome do animal.
- c) Especie.
- d) Raza. En cruzamento de primeira xeración se especificará as razas de procedencia (no suposto de cans).
- e) Sexo.
- f) Descrición da capa.
- g) Data de nacemento e nome do animal se fóra o caso
- h) Aptitude (función do animal: compañía, garda, defensa, caza, etc.)
- i) Causa de inclusión no rexistro (supostos do artigo 2.2 do Decreto 90/2002)
- j) Enderezo habitual do animal.
- k) Data de adquisición do animal.

- l) Forma de adquisición do animal (cria, doazón, traspaso, venda, etc.).
- m) Certificado sanitario, expedido por un veterinario que acredite con periodicidade anual a situación sanitaria do animal e a inexistencia de enfermidades ou síntomas que poidan facer potencialmente perigoso, así como unha certificación de que o animal carece de lesións ou cicatrices que puideran estar relacionadas coa utilización do animal en pelexas ou outras actividades prohibidas.
- n) Cartilla sanitaria actualizada nos tratamentos preceptivos e preventivos propios da especie e idade. Na cartilla sanitaria figurará a catalogación de animal potencialmente perigoso.
- o) Incidentes de agresión se fora o caso.
- p) Data de alta no rexistro.

B.- Datos do propietario, posuidor ou tenedor:

- a) Nome e apelidos .
- b) D.N.I.
- c) Enderezo habitual
- d) Teléfonos de contacto.
- e) Licencia administrativa: número, data de expedición e concello de expedición

2.- Os propietarios dos animais serán os responsables de identifica-los animais e de sufraga-los gastos que esto ocasione, independentemente do lugar de residencia de ditas persoas. A identificación definitiva suporá un requisito previo e obrigatorio para realizar calquera transacción do animal.

3.- O rexistro municipal é un rexistro de carácter público, ó que terán acceso as Administracións Públicas e autoridades competentes, así como aquelas persoas físicas ou xurídicas que acrediten ter interese lexítimo no coñecemento dos datos obrantes no mesmo. A estes efectos considerarase, en todo caso, interese lexítimo o que ostenta calquera persoa física ou xurídica que desexe adquirir un animal destas características, así como aquelas que sufriran calquera tipo de agresión polo animal e desexen exercer-las accións correspondentes en calquera vía xurisdiccional, para o que deberán acreditar previamente a interposición da correspondente denuncia.

4.- En todo caso, o uso e tratamento dos datos contidos no Rexistro será de acordo co disposto na Lei Orgánica 15/1999, de Protección de Datos Persoais.

Artigo 10º.- Inscripción no Rexistro.

1.- Os titulares da licencia administrativa están obrigados a efectuar a inscrición do animal, que resida habitualmente neste Concello, no Rexistro Municipal de animais Potencialmente Perigosos, no prazo de quince días contados a partir da obtención da licencia efectuarase a instancia do interesado ou de oficio, no seu caso, polo Concello trala concesión da Licencia Municipal regulada no artigo 3º da presente Ordenanza.

2.- Será igualmente obligatoria a instancia do interesado, a inscrición no rexistro municipal, en sección aberta ó efecto, cando se efectúe o traslado dun animal potencialmente perigoso a este municipio, sexa con carácter permanente ou por período superior a tres meses, debendo

proceder á súa inscrición no prazo máximo de quince días a contar dende o inicio da residencia no municipio.

3.- Estimarase que se efectuou un traslado de animal potencialmente perigoso, agás acreditación expresa en contrario polo interesado, nos casos de cambio de residencia do titular do mesmo en cuio caso será preciso a acreditación da obtención da licenza no municipio de orixe anterior, procedendo a renovación da mesma nos casos previstos na presente Ordenanza.

4.- Das inscricións que se efectúen no Rexistro municipal de animais potencialmente perigosos darase traslado o órgano correspondente da Comunidade Autónoma de Galicia.

Artigo 11º.- Baixa no Rexistro Municipal de Animais Potencialmente Perigosos.

1.- A baixa no Rexistro Municipal de Animais Potencialmente Perigosos efectuarase a instancia do interesado, previa acreditación da venda, traspaso, cesión ou morte do animal.

2.- Igualmente procederase á baixa no Rexistro no caso de traslado da residencia habitual do animal a municipio distinto e así quede acreditado xa sexa a instancia do interesado ou de oficio polo Concello.

3.- Farase figurar no Rexistro como de titularidade municipal aqueles animais depositados nas súas instalacións como consecuencia de recollida dos mesmos da vía pública ou por perda da licenza do seu anterior titular.

Artigo 12º.- Acreditación da inscrición no Rexistro Municipal de Animais Potencialmente Perigosos.

A inscrición no rexistro acreditarse mediante entrega dunha certificación da resolución do expediente administrativo iniciado a solicitude do interesado, e mediante entrega dunha tarxeta acreditativa, tamaño carnet, expedida polo concello, onde se faga constar os seguintes datos:

- Número do microchip e data de alta do animal no rexistro municipal.
- Nome, especie, raza, sexo, capa e data de nacemento do animal.
- Enderezo do animal.
- Nome, apelidos e D.N.I. do propietario.
- Licencia do propietario (número, data de expedición e concello)

Artigo 13º.- Comunicacions do propietario do animal ó Rexistro Municipal de Animais Potencialmente Perigosos.

1.- O propietario do animal deberá comunicar ó Rexistro calquera variación dos datos que figuran nel, no prazo de quince días desde que se producise a modificación, así como, a venda, traspaso ou doazón do animal. Igualmente deberá comunicarse a castración ou esterilización do animal de producirse esta remitindo copia da certificación veterinaria correspondente que acredite este feito.

2.- Calesquera incidentes producidos polo animais potencialmente perigosos ó longo da súa vida, coñecidos polas autoridades administrativas ou xudiciais, faranse constar na folla

rexistral de cada animal. No caso de agresións recollerase a data da denuncia, a descrición dos feitos e as consecuencias xurídicas.

3.- A sustración ou perda do animal deberá ser comunicada polo titular do animal ó Rexistro Municipal no prazo máximo de 48 horas desde que se teña coñecemento destes feitos.

Artigo 14º.- Circulación e permanencia do can en vías públicas e locais.

1.- Nas vías públicas e os espazos naturais protexidos os cans irán suxeitos con cadea ou correa.

2.- Os cans guía poderán circular libremente nos transportes públicos urbanos, sempre que vaian acompañados polo seu dono e cumpran as condicións hixiénicas, sanitarias e de seguridade que prevén as ordenanzas.

3.- Queda expresamente prohibida a entrada ou estancia de animais domésticos en toda clase de locais destinados á fabricación, almacenamento, transporte, venda ou manipulación de alimentos.

4.- Queda asemade prohibida a entrada ou estancia de animais domésticos en restaurantes, bares, cafeterías e similares.

5.- Prohíbese a circulación ou a estancia de cans e outros animais nas piscinas públicas e locais de espectáculos públicos, deportivos e culturais e nos recintos escolares.

6.- Os titulares de estes locais deberán colocar na entrada dos establecementos e en lugar visible o sinal identificativo desta prohibición.

7.- Quedan exentos das prohibicións anteriores os cans guía que acompañen a persoas invidentes.

8.- Nas praias do municipio prohíbese a circulación e permanencia de cans durante o período de baño e nos horarios de uso da mesma.

9.- Queda prohibido deixar as deposicións fecais dos cans nas vías públicas. Os propietarios de cans son responsables de recoller convenientemente os excrementos e depositalos ben en bolsas de lixo domiciliaria, ou ben naqueles lugares que a autoridade municipal destine expresamente a esta finalidade.

10.- Queda expresamente prohibido que os cans accedan ás zonas de xogo infantil das prazas e parques do municipio.

11.- Prohíbese lavar animais na vía pública e fontes, así como darlles de beber auga amourados ás billas das fontes públicas.

12.- Conforme ó establecido no artigo 112 apartado 5 do Decreto 90/2002, de 28 de febreiro, da Comunidade Autónoma de Galicia, os cans catalogados como potencialmente perigosos terán que circular polas vías públicas e en lugares e espazos de uso público en xeral, atados con cadea ou correa non extensible de lonxitude non superior a dous metros, provistos da

correspondente buceira homologada e axeitada para a súa raza, e en ningún caso, poderán ser conducidos por un menos de 16 anos.

Artigo 15.- Cans Pontencialmente perigosos abandonados ou vagabundos

1.- O Concello poderá retirar dos espazos públicos e depositar de oficio en establecemento axeitado, sen necesidade de previo requirimento, a aqueles animais potencialmente perigosos nos que se aprecie unha situación de abandono ou perigosidade para os usuarios das vías e espazos de uso común ou circulen por estes sen a debida protección ou control do seu propietario ou tenedor.

2.- Igualmente o Concello poderá retirar e depositar en establecemento axeitado aqueles animais potencialmente perigosos que non dispoñan da correspondente tarxeta de identificación do municipio de orixe ata tanto se acredite tal circunstancia polo titular do mesmo.

CAPÍTULO IV.- INFRACCIÓNS E SANCIÓN S

Artigo 16.- Infraccións.

1.- As infraccións que se cometan contra o disposto nesta Ordenanza clasifícanse en moi graves, graves e leves.

2.- Terán a consideración de infraccións administrativas moi graves, as previstas no artigo 13.1 da Lei 50/1999, de 23 de decembro, do Estado, así como as establecidas no artigo 22 da Lei 1/1993, de 13 de abril, da Comunidade Autónoma de Galicia.

3.- Terán a consideración de infraccións administrativas graves as previstas no artigo 13.2 da Lei 50/1999, de 23 de decembro, do Estado, así como as establecidas no artigo 21 da Lei 1/1993, de 13 de abril, da Comunidade Autónoma de Galicia.

4.- Son infraccións administrativas leves o incumprimento de calquera das obrigas establecidas nesta Ordenanza, na Lei 50/1999, de 23 de decembro, do Estado e na Lei 1/1993, de 13 de abril, da Comunidade Autónoma de Galicia, non comprendidas nos parágrafos anteriores e que sexan competencia do Concello, conforme ó previsto no artigo 20.3 a) do Decreto 90/2002, de 28 de febreiro, da Comunidade Autónoma de Galicia.

Artigo 17.- Sancións.

1.- As infraccións tipificadas no artigo anterior serán sancionadas con multas nas contías sinaladas no artigo 13.5 da Lei 50/1999 do Estado e no artigo 24 da Lei 1/1993 da Comunidade Autónoma de Galicia.

2.- En todo caso, as infraccións graves e moi graves tipificadas no artigo anterior desta Ordenanza, poderán levar aparelladas como sancións accesorias a confiscación, decomiso, esterilización ou sacrificio dos animais potencialmente perigosos, a clausura do establecemento e a suspensión temporal ou definitiva da licenza para tenencia de animais potencialmente perigosos ou do certificado de capacitación do adestrador.

Artigo 18º.- Responsable.

1.- Consideráanse responsables das infraccións os que por acción ou omisión participaran na comisión das mesmas, ó propietario ou tenedor dos animais, ou no seu caso, ó titular do establecemento, local ou medio de transporte no que se produzan os feitos, e neste último suposto, asemade, o encargado do transporte.

Artigo 19º.- Procedemento Sancionador.

1.- O procedemento sancionador aplicable rexerese polo establecido na Lei 50/1999, de 23 de decembro, así como, na Lei 30/1992, de 26 de novembro, e normas de desenvolvemento.

Artigo 20º.- Exercicio da Potestade Sancionadora.

1.- Os órganos competentes para sancionar, de acordo cos artigos 24.2 da Lei 1/1993, de 13 de abril, da Comunidade Autónoma de Galicia serán:

- a) Por infraccións leves, o Alcalde.
- b) Por infraccións graves, o Director Xeral de Conservación da Natureza da Consellería de Medio Ambiente.
- c) Por infraccións moi graves, o Conselleiro de Medio Ambiente.

2.- A incoación e tramitación dos expedientes polas infraccións tipificadas como leves lle corresponde ó Concello. Nembargantes, o Alcalde poñerá en coñecemento do Director Xeral de Conservación da Natureza da Consellería de Medio Ambiente toda acción ou omisión que poida ser tipificable como infracción grave ou moi grave.

3.- Cando as circunstancias de perigo así o aconsellen, o Alcalde poderá proceder á retirada ou custodia dun animal potencialmente perigoso, a cargo do propietario, como medida de carácter provisional durante a tramitación dun expediente sancionador.

DISPOSICIÓN ADICIONAL ÚNICA.

Quedan excluídos da obriga de obtención de licenza municipal, aqueles exemplares caninos que foran obxecto de adestramento baixo a supervisión directa da ONCE e sexan destinados a guía de persoas invidentes.

DISPOSICIÓN FINAL.

A presente Ordenanza entrará en vigor coa súa publicación íntegra no Diario Oficial da Provincia de Ourense e transcorrido o prazo establecido no artigo 65.2 da Lei 7/1985, de 2 de abril, continuando en vigor ata a súa derogación expresa polo Concello.